



## АҚПАРАТТЫҚ ХАБАР

2019 жылғы 23 қыркүйек

### 2019 жылғы 13 қыркүйек – 20 қыркүйек аралығындағы жекелеген дамушы елдердің валюталары бойынша шолу<sup>1</sup>

20 қыркүйектегі сауда-саттық қорытындылары бойынша теңгенің нарықтық бағамы бір аптада біраз ғана нығайып (386,71-ден), бір АҚШ доллары үшін 386,70 теңге деңгейінде қалыптасты.

Сыртқы валюта нарығында 2019 жылғы 13 қыркүйек - 20 қыркүйек аралығындағы кезеңде бірқатар орталық банктердің мөлшерлемелер бойынша шешімдері болды: АҚШ ФРЖ мөлшерлемені қатарынан екінші рет 1,75-2%-ға дейін төмендетті, Ұлыбритания мен Жапонияның орталық банктері ақша-кредит саясатының өлшемшарттарын өзгеріссіз қалдырды, негізгі мөлшерлемелер тиісінше 0,75% және (-)0,1%-дық деңгейде қалды. Сауд Арабиясындағы мұнай объектілеріне шабуыл әлемдік мұнай жеткізілімдерінің 5%-ға қысқаруына әкелді. АҚШ ФРЖ ақша нарығындағы мөлшерлемелердің күрт өсуінің себебінен репо нарығында өтімділік ұсынуға мәжбүр болды. Еурокомиссия Төрағасы Жан-Клод Юнкер 31 қазан ең соңғы мерзім басталғанға дейін Брексит бойынша мәміле жасасу мүмкіндігі туралы түсініктеме берді. Қазанда жоғары деңгейде кездесу үшін АҚШ пен Қытай арасындағы сауда-саттық келіссөздерінің дайындық раунды басталды.

Аталған факторлар дамыған елдер валютасымен салыстырғанда АҚШ доллары бағамының әлсіреуіне әкелді.

Дамушы елдердің валюталарының<sup>1</sup> АҚШ долларына қатысты бағамдарының серпіні былайша қалыптасты:



- **Ресей рублі** мұнай бағасының күрт өсуі және салық төлемдерінің қарсаңында ұлттық валютаға сұраныстың артуы аясында 0,6%-ға (64,38-ден 63,99-ға дейін) нығайды;
- **үнді рупиясы** мұнай бағасының өсуіне қарамастан өзгеріссіз (70,93-тен 70,95-ке дейін) қалды, экономикалық өсуді ынталандыру мақсатында Үкіметтің отандық компаниялар үшін корпоративтік салықты 30%-дан 22%-ға дейін төмендету туралы шешімі ұлттық валютаға қолдау көрсетті;
- **Мексика песосы** негізгі мөлшерлемені азайту бойынша күтулердің, сондай-ақ АҚШ Өкілдері Палатасынан демократтар мен АҚШ-тың сауда өкілі Р.Лайтхайзердің арасындағы жоспарланған кездесу туралы хабардың аясында 0,2%-ға (19,41-ден 19,45-ке дейін) нығайды;
- **Индонезия рупиясы** мұнай бағасының өсуі және үш ай қатарынан негізгі мөлшерлемені 5,25%-ға дейін кезекті төмендету аясында 0,6%-ға (13 967-ден 14 055-ке дейін) әлсіреді;
- **түрік лирасы** дамушы нарықтардың валюталарын қолдауға мүмкіндік беретін АҚШ ФРЖ-нің мөлшерлемені одан әрі төмендетуі бойынша инвесторлардың ақталмаған күтулері аясында 0,9%-ға (5,69-ден 5,74-ке дейін) әлсіреді. Түркияның соты елдің экономикалық

<sup>1</sup> АҚШ долларына қатысты көлемдер тұрғысынан неғұрлым көп сатылатын дамушы елдердің валюталары



тұрақтылығына зиян келтіру әрекетін жасады деп айыпталған Bloomberg-тің екі журналисіне қарсы істің бірінші тыңдалымын өткізді. Банктік реттеу және қадағалау агенттігі банктерге 46 млрд. (\$8,1 млрд.) сомаға кредиттерді жұмыс істемейтіндер ретінде қайта жіктеу, шығындарды өтеу үшін жеткілікті резервтеу бөлу туралы нұсқау шығарды;

- **Бразилия реалы** орталық банктің одан әрі төмендеу мүмкіндігін атап өтіп, негізгі мөлшерлемені 5,5%-ға дейін 50 б.т. төмендету туралы шешімінің аясында 1,5%-ға (4,09-дан 4,15-ке дейін) әлсіреді;

- **Оңтүстік Африка ранды** инвесторлардың ОБ экономиканы ынталандыру үшін ақша-кредит саясатын жеңілдетпейді деген қауіптенулері аясында 2,5%-ға (14,58-ден 14,94-ке дейін) әлсіреді. Ел реттеушісі басшысы мөлшерлеме бойынша болашақ шешімдер статистикалық деректерге байланысты болады деп мәлімдеді.



**Дамушы елдер валюталарының серпіні (2019 жылғы 6 қыркүйек = 100, индекстің өсуі – валютаның нығаюы)**



Толығырақ ақпаратты БАҚ өкілдері мынадай телефон бойынша алуына болады:  
 +7 (727) 3 302 452 (1452)  
 e-mail: [press@nationalbank.kz](mailto:press@nationalbank.kz)  
[www.nationalbank.kz](http://www.nationalbank.kz)